

বসন্তে ।

শিশির-অন্তে এল বসন্ত গাহে শুক পিক চন্দনা ।

আকাশে বাতাসে এ কি শিহরণ, তটিনী গাহিছে বন্দনা ।

শুভ্র অসাড় শীতের রাত্রি

চলে গেছে, তোর ভয় কি যাত্রী,

দখিন হাওয়ায় পাল তুলে দাও ভাসাও আশার তরণী

আলোক-প্রাবনে ভাসিছে বিশ্ব দেখেনেরে তোর সরণি ।

পূরব আকাশে তরুণ তপন হাসিছে অরুণ আলোকে,

দিকে দিকে নব জাগরণ-বাণী, বহে সমীরণ পুলকে,

নব কিশলয়ে সবুজের ছটা,

ফুলে ফুলে আজ কি রঙীন ঘটা,

পূজার সাজিটি সাজায়ে প্রকৃতি ধাতার চরণে ঢালিছে

সৃষ্টির মাঝে সৃজনকারীর স্নেহভরা আঁখি জাগিছে ।

হে মোর দেবতা জীবন-প্রভাতে তোমার দীপ্ত শিখাটী,

জলুক আমার অন্তর-মাঝে হও তুমি মোর সাথিটী,

তোমার উজল আঁখির আলোকে,

জীবনের পথ চিনাও আমাকে,

বিশ্বের কাষে কর নিয়োজিত শক্তিমত্ত দানিয়া

সাধনার পথে লভিতে সিদ্ধি দৃঢ় কর মোর এ হিয়া ।

বন্ধনা মোরে কর না হে প্রিয় কণিক স্নেহের ছন্দে,

বন্ধু তোমার বিজয়-শব্দ বাজাও গভীর মন্ড্রে;

কুণ্ডার গ্লানি, জড়তার ভয়,

দূরে সরে যাক সব সংশয়,

তীব্র চেতনা জাগুক আমার দীপ্ত জ্ঞানের সাধনে

আশীষে তোমার রব না নিঃস্ব তোমার বিশ্বভুবনে ।

কালিদাস মুখোপাধ্যায়,

প্রথম বার্ষিক শ্রেণী,

Dশাখা. (বিজ্ঞান বিভাগ ।)